

omni paciencia et quiete cedatis, ita quod ex vestra modestia populi bonam edificacionem accipiant et consequenter ex predicacionibus vestris fructus uberior valeat prouenire. Denique discrecionem tuam volumus prouidere, ut singuli fratres quos ad suprascriptum officium elegeris, tam presentium quam aliarum litterarum nostrarum christicolis omnibus sub manu publica, vel saltem sub tuo siggillo copiam habeant, vt inspiciendo frequenter de hiis que agenda committuntur eisdem reddantur plenius informati. Postremo quia diuersis olim temporibus nonnullae super predicacione crvcis in sepefactum subsidium commissiones a sede apostolica emanarunt, ne forte illarum occasione turbacio ulla siue confusio valeat suboriri, nolumus vt auctoritate commissionum illarum in locis ad que presens commissio nostra peruenerit, crux de cetero predicetur, set predicacioni huiusmodi eos duntaxat insistere uolumus, qui presentis nostre commissionis fuerint auctoritate suffulti. Datum apud vrbem ueterem, kalend. augusti, Pontificatus nostri anno Quarto.

1736.

1292 d. 22 Juli.

Stockholm.

Konung BIRGERS bref till Staden Lybeck, om de denna stads borgare förunnade fri- och rättigheter i Sverige, samt stadfästelse på deras förra privilegier.

K. v. 109. och L. c. 166.

BIRGERUS Dei gratia Sweorum Ghotorumque rex, viris prudentibus et discretis, prefecto, consulibus ac burgensibus universis civitatem Lubicensem inhabitantibus omne bonum cum salute vite presentis pariter et future. Si lites et iurgia per antecessores nostros sapienter et fine debito terminata iterum de die in diem deberent in irritum revocari, nunquam segura pacis concordia posset ab hominibus inveniri. Volumus igitur omnes vos Lubicenses ad regnum nostrum cum mercimoniis venientes a tributo et theoloneo quolibet esse liberos penitus et exemptos. Si qui vero de vestra civitate moram nobiscum facere voluerint et in regno nostro habitare, tunc volumus ut patrie nostre legibus utantur et regantur et Sueni de cetero appellentur. Et hoc idem petimus, ut vos circa nostrates ad vestram civitatem venientes inviolabiliter observetis. Preterea si quis de vestra civitate aliquam de nostratibus passus fuerit injuriam ad nos cum litteris vestris et legitimo veniat testimonio et nos eidem in continenti secundum leges patrie plenum et integrum faciemus fieri iustitie complementum et vos nostratibus uobiscum consimiliter faciatis. Similiter et omnia alia, que progenitores nostri in privilegiis suis antiquitus statuerunt volumus observari. Preterea si qui de vestra civitate penes nos in mari rapinas velint exercere et pacis federa perturbare, ipsos de vestra ci-

vitae in perpetuum extuletis, et nos hoc idem circa personas talium facere volumus ubicunque prope partes nostras poterunt inveniri. Preterea petimus instancius, ut illos qui de nostris partibus ad vos veniunt, veluti uestrates et nos illos, qui de vestra veniunt civitate veluti nostrates, ad invicem mutuo diligamus. Insuper libertates et privilegia per progenitores nostros vobis concessa tam super thelone, quam super rebus naufragii, quamdiu vestri cives eas per se vel alios extrahere seu salvare poterint et voluerint, non tollendis, vestris civibus concedimus et habenda in posterum presentibus litteris sigilli nostri roboratis munimine confirmamus. Datum Stockholmen anno domini M CC XC secundo in die beate Marie Magdalene.

1737.

1292 d. 1 Aug.

Frödavi.

MAGNUS JOHANSSONS förnyelse af sitt år 1283 upprättade testamente, med tillägg af nya donationer till andliga stiftelser och enskilda personer, trälarnes frigifvande, m. m.

A. 4.

IN nomine patris et filij et spiritus sancti Amen. Cum mortis terminus cunctis mortalibus sit incertus, Idcirco Ego MAGNUS JOHANSSON diligenti et diutina deliberatione prehabita, Anno Domini. M^o. CC^o. Octogesimo Tercio in Crastino beati Thome Episcopi et Martýris meum condendo testamentum, legata feci Monasterijs ac pijs locis infra scriptis. Videlicet Nýdal. XL:ta Marcas denariorum. Guthem. XL:ta. Marcas denar. Alvastro. XL:ta. Marcas denar. Risiberg. viginti. Marcas. denar. Juluttum. decem. Marcas. denar. Ascaby. XX. Marcas. denar. Wretum. XX. Marcas. denar. Jtem fratribus predicatoribus, videlicet Ludosie, nouem. Marcas. denar. Scaris. IX. Marcas. denar. Skeningie. nouem Marcas denar. Finlandie. IX. Marcas. denar. Wisbý. IX. Marcas. denar. Strengenes. IX. Marcas. denar. Sictonie. IX. Marcas. denar. Calmarnie. XV. Marcas. denar. Westrearos. XX. Marcas. denar. Jtem fratribus Minoribus, Scaris. XV. Marcas. denar. Junacøpie. IX. Marcas. denar. Lyncopie. sex Marcas. denar. Suthercopie. XV. Marcas. denar. Nýcopie. XV. Marcas. denar. Arbuga. sex. Marcas. denar. Enecopie. XXX:ta. Marcas. denar. Stocholm. XV. Marcas. denar. Wisbý. XV. Marcas. denar. Jtem hospitalibus, videlicet Ludosie. sex. Marcas. denar. Scaris. sex. Marcas. denar. Suthercopie. sex. Marcas denar. Skeningie. sex. Marcas. denar. Enicopie. sex. Marcas. denar. Wisbý. sex. Marcas. denar. ølandie. sex. Marcas. denar. Nolens autem predicta legata sub futuris contingentibus meis heredibus in posterum persoluenda relinquere ipsa de Consilio discretorum integre persoluj suprascriptis Monasterijs et locis. Eo excepto. quod Nýdal. XX. Guthem. XX. Alvastro. XX. Marce denariorum, adhuc remanent persoluende. Pro quarum solutione facienda. eisdem